

2  
IOANNIS

PEDIONEI CON.

*stantini, in D. Stephanum Hymnus,  
ad Vuolfgangum Episcopum  
Patauensem.*

EIVSDEM ELEGIA, AD  
Georgium Loxanum.

INGOLSTADII

*excudebat Alexander  
Vueiffenborn.*

*Anno M. D. L.*



IOANNIS  
PEDIONEI CON-  
stantini, in Diuum Stephanum marty-  
rem Hymnus, ad Reuerendissimū Prin-  
cipem, Vuolfgangum Episcopum  
Patauensem, & comitem  
a Salmis.



T te sancte puer, casu qui mersus  
acerbo

Primus es æthereum testatus su-  
nere regem,

Accipio, amplectorq; animis, &  
pectore toto?

Quandoquidem ingentem meruisti primus honorem  
Astriferi supra sinuosa cacumina cæli.

Conspicuum stellis, nitidoque adamante coronam.

Ite graues cura procul hinc, procul ite dolores:

Et quæcunque præmunt miseras incommoda mentes

Protinus ærij discerpant irrita uenti:

Nunc Stephani proprias leti libamus ad aras.

Et magnam tenui properamus carnine famam:

Vix patris ætherei mandans oracula terris

Vnigena proles infensæ crimine gentis

(Infandum) & nostras persoluens sanguine poenas

# IOANNIS PEDIONEI

Lethiferos Erebi cursu tranauerat amneis.  
 Infernasq; domos ualido tremente fecerat ictu,  
 Atque iterum ad Superas ingens euaserat arces:  
 Cum, sibi quos olim multis e millibus heros  
 Legerat & comites operum, fatique ministros,  
 Attoniti casu tanto, ac formidine genis  
 Vitabant æstus populique, urbisque furentis,  
 Dum fera tempestas tumidas effunderet iras  
 Multa uolutantes secreta ualle latebant.  
 Ecce autem noua lux coelo demittitur, alto  
 Per terras, decus æternis memorabile seclis.  
 Nanque puer prima signans lanugine malas.  
 Isacides clara nomen testante corona,  
 Siue Dei monitu, sanctæue cupidine mentis  
 Intrepidus Heroas adit, limenque salutis  
 Consulit, authorisque Dei præcepta reposcit,  
 Exquiratque, auditque uiros, cœlumque recepit.  
 Protinus umbrosæ mentem liqueret tenebræ,  
 Et caligantem posuerunt lumina noctem.  
 Lux oculis noua, lux animo diffunditur ingens.  
 Ille Deum uocat, ille Deum procumbit adorans,  
 Vnum tergemino collaudans nomine numen.  
 Iamque Deo propiore tumens, & numine plenus  
 Ibat ouans, cunctisque nouum decus ore serebat,  
 Veridicum oraclum, & summi mandata tonantis:  
 Progeniemque canit, propriæ quam ingrata salutis  
 Gens fera, gens stimulis Furiarum ultricibus acta

Infandum

# HYMNVS.

*Infandam ad pœnam crudeli funere mersit,  
 Hinc magnum exitium cœlo terraque parari,  
 Horrificamque luem cunctis Acheronte moueri,  
 Mortis inexhaustum miseræ ille tabile regnum:  
 Ni quas immani scelerarunt crimine mentes,  
 Pollutasque manus infanda morte piarent:  
 Ni poscant ueniam nati pro cæde parentem,  
 Agnoscantque suum regem: tam sone salubri  
 Abluerint ueteris commissâ piacula culpæ.  
 Denique ni cursus alio rectore gubernent,  
 Omnia præcipiti mox euerienda ruina  
 Euroque, Zephyroque, & agmentibus æquora Cauris.  
 Sin uerò antiquo soluissent crinine memnes,  
 Et dolor, & pietas, & fassæ tædia culpæ,  
 Acciperentque pium lustrato pectore numen:  
 Tum uerò augustum imperium, sine fine futurum  
 Sedibus æthereis, ignique potentis Olympi,  
 Stellanti in solio, mollem quâ Lactea cliuū  
 Semita ducit, opus magni immortale Tonantis.  
 Hic illos cœli indigetes fore cum magnis Dijs.  
 Tantum, ait, humanos pietas diuina labores  
 Respicit, & summo Superum dignatur honore.  
 Hec monet, adiungitque preces, cursumque moueri  
 Imperat, & classē Christo iubet auspice ferri.  
 Vel mare per medium, tumidis quâ murmurat undis.  
 Quippe sub hoc nullæ casum timuere carinæ,  
 Non Hyadas, magni non motus Orionis,*

# IOANNIS PEDIONEI

Non Zephyros, Caurosque, & agentes æquora nimbos.  
 Hoc duce seruati plaudunt ad littora nautæ  
 Et gaudent uiridi classẽ redimire corona.  
 Multa etiam ueterum reserat penetralia uatum,  
 Non quos aut uanæ delusit fabula Cretæ:  
 Aut quos Arcadiæ gelidis in montibus, aut quos  
 Impia damnarum sceleratis Orgia sacris.  
 Sed quos ipse pater, summas cum linqueret arces  
 Edocuit, legesque dedit, monumentaque fixit,  
 Sanctaque perpetuis uictura uolumina seclis:  
 Quæ populos omni latè ditioe tenerent  
 Addictos pietate noua. Hunc scilicet esse  
 Cuius ab auspicijs tener in cunabula mundus  
 Ceperit, & generis primordia surgere nostri:  
 Quicquid & illa potens rerum natura gubernat  
 Præterea rerum uarias ex ordine causas  
 Exequitur, totamque implet sermonibus urbem  
 Mirandis: quos nec Fauni, uatesque caneant,  
 Nec quondam ex adytis fallax Cortyna reclusit  
 Fatidicis curanda ferens oracula Delphis.  
 Panditur æterni scereta potentia cœli,  
 Illum admirantur pariter iuuenesque, senesque,  
 Primoresque uirum, & mixta cum plebe Senatus.  
 Qui nondum immersas penitus caligine mentes  
 Inuidi torpent furij, nec pectore toto  
 Proiecere bonas sanctis cum moribus artes,  
 Illum admirantur superum præcepta canentem,

# H Y M N V S.

Ante annos animumque uiri, curamque gerentem.  
 Pars tollunt cœlo, & diuinis laudibus æquant  
 Effusi studio, atque auidi narrauis ab ore  
 Dependunt, uersique animum in meliora retorquent,  
 Et iam multa cohors Christi pia numina adorant.  
 At non insanos posuit gens aspera fastus  
 Pontificum, ardesunt animis clamore frementes  
 Horrissono, ac media iuuenem statuere corona.  
 Tum quibus est Solymi custodia credita templi,  
 Et qui sacra docent non æquo sidere uates.  
 Mortalis quibus ingentem sapientia famam  
 Extulerat, scelerum artifices, ac uana tumentes  
 Pontifices contra statuunt, populique furentis,  
 Accendunt stimulis uerborum haud mollibus iras..  
 Hij freti humanis opibus, populoque secundo  
 Quantum animis, quantum arte ualent, mortalia tela  
 Expediunt contra diuini fulmina uerbi.  
 Haud aliter, quàm si duri in certamina belli  
 Mars uocet æratas acies: aut impia rursum  
 Telluris manus æthereo contendat olympto:  
 Arma armis cumulant, & montes montibus addunt.  
 At pater omnipotens illos pro talibus ausis  
 Fulmine præcipitans nigranti in nocte chorusco.  
 Vulneraque ingeminans imo deturbat Auerno.  
 Hic quos Aegyptus uarias celebrata per artibus  
 Edocuit, quos Cyrene, quos cerula Crete  
 Phœniceisque, Arabesque, Indique à sole perusti



# IOANNIS PEDIONEI

Stant contrà obnixa ingenio, & mortalibus armis.  
 Sed frustra. quid enim humana sapientia mentis  
 Quidque acies, sensusque ualent? quid lactea fandi  
 Copia contra animum diuinis artibus auctum?  
 Maior agit Deus, & maioribus instruit armis  
 Spiritus aeterno donans sua munera cœlo.  
 Ille sonans magno ore uiris incumbit & instat,  
 Nec tere non fraudes, nec inexplicitos labyrinthos  
 Insinuare bonus (uani quæ gloria uulgi  
 Lubrica) sed causis melior, sed pondere rerum,  
 Et recti, uerique tenax. his uertere fraudes  
 Artificum quasunque potens, uelut imber ab alto,  
 Torrentis uel more ruit: seu fulmen Olympo  
 Dum cadit, horrescunt trepidantia corda tumultu.  
 Sic ualidis urgens hostem sermonibus heros  
 Ingruit insultans, & lubrica tela repellit.  
 Illi autem incassum tenuis effundere uoces  
 Vix trepidi sine mente sonos, & inania uerba  
 In uentos, atque in pelagus procul irrita iactant,  
 Telaque non æquis intendunt uiribus acta.  
 Ceu quondam in somnis fallenti nocte uidemur  
 Conferere arma uiris, & uulnera multa sagittis  
 Dirigere aut auidi rapidos inuendere cursus:  
 Cum subito in media cæcæ formidine noctis  
 Deficimus, uanisq; elusi uiribus ægri  
 Concidimus: non dextra ualet: non gressus cunctis,  
 Nec uox clamanteis sequitur: non corpore uires,

Non



# HYMNVS.

Non animo: tantum solita mens fluctuat ira  
 Multa uolens, uanisq; furens conatibus hæret.  
 Tum uerò ut pugna trepidos succumbere uates  
 Pontifices, turpemq; fugam agnouere suorum,  
 Nil actum ingenio, nil fraude, nec arte magistræ  
 Sed contrà iuuenem maiori numine ferri,  
 Ardenteisq; notant uultus, oculosq; loquentis  
 Sidercos: qualis nocturnos Lucifer igneis  
 Maiori inter luce micans supereminet omneis:  
 Non tamen insanis ardens fiducia cessit,  
 Exuperant magis, hinc pudor, hinc dolor, ira; mentes,  
 Et metus acer agit. sed qua ui tendere contra?  
 Qua tentent ratione, quibusue lacerare telis?  
 Illinc numen agit: hinc uincere nulla potestas.  
 Tandem, quod superest, scelere ingredimur, & astu:  
 Crimina, confingunt nulli credenda: nefandos  
 Insinuant testes: tentant periuria linguae,  
 Perfidiam dextræ, scelus ille tabile mentes.  
 Ah genus infelix hominum, tu fallere Diuos  
 Sperasti? tunc æthereas periuria mentes  
 Fas etiam celare putas? sed nequid inausum  
 Nequid inexpertum maneat scelerisq; doliq;  
 Accendunt populi Furijs authoribus iras,  
 Iamq; faces ipsi, iam sæua incendia miscent  
 Primores, falsisq; agitant terroribus urbem:  
 Ni iuuenem ad pœnas infanda morte repossant.  
 Nec mora consurgunt animi, magnoq; tumultu

# IOANNIS PEDIONEI

Seditio exoritur: ceu cum Notus ardua tollit  
 Aequora, tempestas furit atris horrida nimbis.  
 Illicet arreptum medijs è mœnibus urbis  
 Illusum exturbant iuuenem, rapiuntq; ruuntq;  
 Perq; uias, perq; inuia, & angustas conualles.  
 Campus erat, Solymæ quem spectant desuper arces,  
 Quâ pinguem latè iactat uicinus arenam  
 Iordanis, Ierichosq; rigans superenatat agros,  
 Horridus immensa lapidum tum mole rigebat.  
 Hic subitò insurgit (miserum) manus omnis in unum  
 Adglomerantq; uices, & densos ictibus ictus  
 Ingeminant, totasq; irarum effundere habenas  
 Præcipites certant. lapidum pluit horrida grando  
 In caput innocuum, & tempestas saxea nimbos  
 Terribileis agit: inscribum fera marmora frontem:  
 Ab dolor, & tenero stillant de corpore riui  
 Sanguinis, obstructos quatit æger anhelitus artus.  
 Excipit os cœlo, tamen imperterritus heros  
 Ingentem uidet ingenti cum prole parentem.  
 Agnoscit procul & nostræ monumenta salutis  
 Spiculaq; clauosq; & inenarrabile lignum.  
 Quadrifidæ crucis, èque polo discedere nubeis  
 Prospicit auricomas, totòque effulgere cœlo.  
 Accipit, agnoscitq; Deum. tum uoce uocauit  
 Ingenti, Hanc animam mitis, precor, accipe cœlo  
 Hanc animam pater, æternæ spes una salutis,  
 Vna quies tecum, dixit, simul inclinato

## HYMNVS.

Poplite succumbens. Precor ò miserere nocentum  
 Omnipotens, meritis tali pro crimine poenas,  
 Si fas, auertas miseris. & talia fatus  
 Supremum expirans animam cœlestibus auris  
 Reddidit, illa procul liquidum per inane uolando  
 Optato patris in gremio suscepta quieuit.  
 Hic uerò auditæ uoces, auditus & ingens  
 Exoritur clamor, (terris mirabile monstrum)  
 Atq; tubæ, atq; arma sonant strepitantia cœlo.  
 Scilicet æthereis ingens exercitus alis  
 Ibat ouans, letumq; patri Pœanà canebat,  
 Ingeminant plausumq; pium, fremitumq; secundum,  
 Ame pedes magni celebrantes festa Tonantis.  
 At uerò socij exanimes mortalia curant  
 Funera, & ingenti statuunt cum mole sepulcrum.  
 Fit gemitus, fractæ plangunt ad littora uoces.  
 Audiit in cœlum fama celeberrimus amnis  
 Roranteis udo tollens è gurgite uultus  
 Iordanis, mœstas iterumq; iterumq; querelas  
 Ingeminans Christumq; uocat, Stephanumq; salutat,  
 Ter plangens Stephani, ter magni funera Christi:  
 Increpat horrisono gentem simul ore nefandam.  
 Excepere undæ sonitum, & uicina reclamant  
 Aequora, tum syluæ, & montes, fluuij; sonabant  
 Tollentes medio notissima nomina cœlo.  
 At te quis tantas Solyme furor egit in iras?  
 Infelix Solyme, scelerrum quæ tanta cupido

Precipitem

# IOANNIS PEDIONEI

Præcipitem in proprias clades, tua funera merſit?  
 Tunc Deum, regemq; tuam, natumq; Tonantis,  
 Terrarum, maris, & cœli, rerumq; parentem,  
 Promiſſum tibi, quem ſanctorum oracula uatum,  
 Tot ueterum monumenta uirum, tot dedita cœlo  
 Signa, tot indiſijs monſtrans Natura probauit?  
 Tunc Deum atque hominum uitam, lumenq; ſalutemq;  
 Infandam ad pœnam meritis pro talibus auſis  
 Corripere? aut iuuenem diuinis artibus auctum,  
 Diſta tibi æterni regis præcepta canentem,  
 Totq; alios animo & præſtanti nomine uates  
 Traxeris ad lethum diris cruciatibus? ô gens  
 Infelix Solyme. ô miſeris gens debita fatiſ.  
 Nonne uides peſtem, non hinc tibi dira parari  
 Supplicia? en patrijs immiſſum mœnibus hoſtem  
 Mox capta aſpicias, heu quæ tunc funera cernes?  
 Tunc gemitu, lacrymiſq;, & famineis lamentis  
 Proxima complebis late loca. corruet omnis  
 Vrbs Solyme proprijs uix agnoſcenda ruinis  
 Gens tua terrarum, quantum patet, acta per orbem  
 Diuerſa exilia ignotis patietur in oris:  
 Immemor heu decoriſq; ſui, & uirtutis auitæ  
 Exiget indignum culpandis artibus æuum:  
 Triftis, iners, rerum omnium inops, ignara ſalutiſ  
 Neſcio qua paſcet falſa dulcedine mentes  
 Venturi quondam reparanda in ſecula uatiſ,  
 Auxiliūq; Dei nequicquam in uota uocabit.

Sed

# HYMNVS.

Sed tu diuinos crudeli funere honores  
 Promerite ó uenerande puer, nouus incola cœli  
 Si quando placido miserans mortalia uultu  
 Aspicias, ó uotis uenias non asper amicis:  
 Seu tua te Solyme notis tenet hospita terris,  
 Iordanisq; sacra siccas tua uulnera lympha:  
 (Nam te olim indigenæ memorant uidisse per undas  
 Iordanis primo mœstum sub sole querentem)  
 Siue tui potius terra cultrice teneris:  
 •Crudeleis fuge mox terras, fuge littus iniquum,  
 Heu fuge pollutas indigno funere sedes:  
 Nunc tuate lætis melior Germania templis  
 Illa colit, multusq; adolet tibi thura per aras.  
 Hic ubi terrarum per pinguia culta uolutus  
 Germanas Pataui muro discriminat arces  
 Danubius, medioq; tumens interluit aluco,  
 Nec prócul Austriacas Boijs secat urbibus urbes.  
 Hic tibi Salmorum ueteri de gente creatus,  
 (Salmorum Comitum, Ticini mœnibus olim  
 Nomina, nunc magnis Europæ cognita terris,  
 Horret adhuc, mutoq; animos á nomine pulsat  
 Gallia, terribilès formidant Pannonès arcu,  
 Barbarus & tumidas retro fugit Ister in undas)  
 Hic sacer Anistes Patauinas temperat arces.  
 Virtutisq; memor patriæ, nec laudis auitæ  
 Immemor æternos renouat tibi laudis honores:  
 Solennem que diem lætus colit omnibus aris.

# HYMNVS.

Hic tibi, dum tacito fulgebunt sidera mundo,  
 Dum uaga cæruleo labemur flumina ponto,  
 Dumq; uices rerum atq; hominum natura tenebit,  
 Semper honos, laudisq; tuæ decora alta manebunt.  
 Tu facilem nobis orando redde parentem,  
 Hoc tantam. feret auxilium mortalibus ægris  
 Omnipotens pater, & cœlo miserabitur alto.  
 Ille malas hominum pestes, morbosq;, famemq;  
 Auferat, & quodcunq; nefas, dirumq; tinxerit,  
 Tot scelerum facies, mala tot, causasq; malorum  
 Heu uarias lacrymis causas, procul impia bella  
 Impia bella procul nostris exterminet oris.  
 Tum quæcunq; premunt miseras incommoda gentes,  
 Massagetæ ultra & Leleges, Taurumq;, Niphatemq;  
 Ultra Arabesq;, Scythasq;, ultra Garamantas & Indos,  
 Quasq; furens cœli premit inclementia terras,  
 Seu flagrante Noto, gelidoue Aquilone remotas,  
 Efferrat, & nostris pacem ferat undiq; rebus:  
 Vnanimis redeat Pietas, amor omnibus idem  
 Numinis, atq; ardens studium uirtutis auitæ.  
 Hæc rogat, hæc illi tribuas non irrita dona  
 Omnipotens pater, atq; pijs allabere uotis.

FINIS.

IOANNES



IOANNES PEDIONEVS CHRIS-  
tophoro Zingelio S. P. D.

**C**um librum meum de Diuinis laudibus edidissem,  
neq; hoc tēpore prætor sexillos Hymnos, quicquā  
in isto genere perfectū haberē, nescio quo animi affectu  
cōmotus sum, ut in Diuū quoq; Stephanū & primū, &  
nobilissimū Christi militē, aliquid perscriberē, quod cæte-  
ris adiungi cōmodē posset. In quo equidē non tam id sum  
ueritus, quod dici poterat, magis hic tritam uiam me secū-  
tū esse: ( plures enim extare in Diuū Stephanū Hymnos  
editos à uiris doctissimis nouerā ) quā quod idem ar-  
gumentū, post illa Italiæ lumina Bembū atq; Vidā longo  
interuallo tractandū sumpsissem, summis illis & diuinis  
uatibus nullo modo cōparādus. Sed perrexi tamē, quò me  
animus meus, mensq; ipsa rapiebat: in quo equidē quan-  
tū perfecim nescio: magnā certē & in cogitando, &  
in scribēdo uoluptatē ipse percepi: istius que Hymni, quod  
affirmare possū, planē præ cæteris mihi iucūda cōfectio,  
et amabilis uisa est, quod ego instar esse cuiusdā præmij du-  
co. Habet enī huius argumēti ratio, præter alias cōmodita-  
tes, læticiam in bonis, cōsolationē in rebus aduersis, ipsaq;  
animi impetus, & perturbationes importunas quadā ra-  
tione cōponit & coercet, neq; à Dei agitiōe, rerūque  
cœlestiū amore patitur euagari. Hæc sentiet, quicunq; pia  
in Deū, diuosq; mēte similia aut scripserit, aut legerit. Ve-  
rū ego cū huic quoq; lucubratiōi meæ patronū quærerē  
nulla ambitiōe ( Deū testor immortalē ) sed iustis de cau-  
sis



sis motus iniuria praesertim istorum et hominum et temporum,  
quibus nihil tam incorruptum, tamque sanctum à quoquam dici,  
aut scribi potest, in quod non improborum, atque inuidorum, quo-  
rum plena sunt omnia, temeritas incurrat et audacia, uolui  
Stephanum meum ad R. Pr. Vuolfgangum Episcopum Patauien-  
sem mittere: idque multis de causis feci, cum quod argumentum  
personae mihi Episcopi conuenire uideretur: tum quod inter  
Episcopos nostrates, quorum hodie non paucos, in maximi  
spe prouetus Christianae doctrinae atque pietatis, habet nos-  
stra Germania, hic eximium locum obtinet. Cuius praeter ex-  
cellentes animi dotes, studium insigne pietatis, concordiaeque  
Christianae, et praecipuum quendam religionis cultum, talis  
quoque doctrina est, ea in literis omnibus praestantia, quae in  
istius ordinis hominibus uix facile solet inueniri: quod ego  
onomastum ita in Principe uiro, ut in auro gemam elucere pu-  
to. Tibi autem has literas scripsi, cum uirtutis atque doctrinae  
merito excitatus tuus, tum dignitatis etiam tuae causa, et eius  
loci, quem in magna gratia apud Patauensem Episcopum obti-  
nes: de quibus mihi Erasmus Vuolfius uir et dignitate  
praestans, et eruditione saepe narrauit. Cuius quidem consilio  
et commemoratione factum est, ut tibi haec mea lucubratione,  
meque ipsum potius commendari maxime uellem, deinde ista  
per te reuerendissimo Principi tuo. Quae tamen commen-  
dandi, si nulla erit grauior causa tibi uisa, uel haec, ut opi-  
nor, erit non iniusta, quod ego in hoc scribendi genere pro-  
fectus ab Rege meo, omnium regum optimo, ceterisque prin-  
cipibus, et sapientissimis, et doctissimis, in hoc ordine ne-  
minem habuerim, quem Principi tuo praefereendum putarim.  
Vale. Ingolstadij, Ipsis Natalib. M. D. X L I X

# IOANNIS

PEDIONEI CON-

stantini, ad nobilissimum Equitem Ge-  
orgium Loxanum Elegia in fu-  
nere L. Brassicani.



ERGO ergo flebilibus natus Loxa  
ne querelis

Vsque teram uitæ tempora du-  
ramicæ?

Nec potis est uarijs curarum  
mersa procellis

Mens mea Pieridum dulcia dona sequi.

Quæ mihi uix tenuem sacro de fonte liquorem

Nunc tribuunt: uastus cætera pontus habet.

Quo modo iactati uentos tolcramus & imbres,

Dum natat in medio fessa carina freto.

Dumq; sub auspicijs Hyadum, & trucidis Orionis

Naufragij solis spes manet in tabulis.

Vt sileam, qui nunc uexat mea corpora morbus:

Nec tantum capiti tussis iniqua meo est:

Pulmo simul tremulis circum præcordia fibris

Interclusa tumens organa uocis habet.

# IOANNIS PEDIONEI

Et quatit afflictos heu tristis anhelitus artus,  
 Cumque meo assidue pectore bella gerit.  
 Vfus abest linguae, penitus dum uocis adempta est  
 Gratia, quae solito non sinit ore loqui.  
 Nec sinit Aënidum dulces inuisere cœtus.  
 Nec dare Apollineo carmina grata choro.  
 Nec mihi commissam studio excoluisse iuuentam  
 Nunc licet, officio nec satis esse meo.  
 Quae, dum uox aderat, nunquam defessa uoluptas  
 Et fructus alijs, & mihi quanta tulit  
 Gaudia? seu ueterum euoluens monumenta uirorum  
 Pacis opus niueae, seu fera bella cano.  
 Conor & occultos rerum penetrare recessus,  
 Naturaeque uias arte iuuante sequi.  
 Seu cultus uitaeque placet, linguaeque Latinae,  
 Nitimur Ausonij reddere uerba fori.  
 Barbariemque omnem studijs depellere nostris,  
 Cunctaque splendori restituisse suo.  
 Nunc autem male tot curarum exercitus undis  
 Corporis atque animi tedia mille fero.  
 Ignoscas igitur nostro Loxane dolori,  
 Ingenium auspicijs qui uetat ire suis.  
 Nec tibi Musarum iucundos promere foetus  
 Nunc sinit, aut meritis digna referre tuis.  
 Illa quidem, meliora meis si fata Camænis,  
 Fulserit & studijs mitior hora meis,

Perpetuis

# ELEGIA.

Perpetuis coner scribendo intexere chartis,

Quæ bona Posteritas, Famaque nôrit anus.

Nam referam Musis, illæ sine fine loquentur:

Implebuntque illis Solis utranque domum.

Nunc saltem hæc miseras inter male scripta querelas

Carmine temporibus conueniente legas.

Et te communis tangit dolor, & tua fas est

Cum desiderio tristitia ferre meo:

Solandique modum, tristesque euoluere casus:

Carminis hæc finis, hoc caput huius erit.

Nam tibi quàm fuerit constanti inunctus amore

Brassica, quàm sancta cognitus ille fide,

Cognita Dijs Superis, nec magnum ignota per orbem

Fas erit hæc ullos præterijisse dies.

Qui nunc (heu rigidi quàm dira potentia sati)

Nudus Læthea corpora lauit aqua.

Brassica nunc, Parcæ uestrum scelus, inuia uiuis

Regna petens meritum concidit ante diem.

Nondum illi canos signans à uertice crines

Succesit tremulo curua senectæ pede.

Vt crudus uiridi decerpitur arbore scætus:

Vt crescens subita mergitur ignis aqua

Brassica, Pierides decus inuiolabile uestrum,

Mortuus Elysij concidit amnis aqua.

Prò facinus uestrum Diuæ, crudelia nentes

Stamina non ulli dissolüenda pio,

# IOANNIS PEDIONEI

Non uestras potuere colus, non pensa morari  
 Tot bona, quæ secum sustulit una dies?  
 Illius ingenium præclaris artibus auctum  
 Fas erat Armenias flectere posse feras:  
 Fas erat eloquium, quondam quod Roma probasset,  
 Regname in medio uel Cicerone foro.  
 Illaque tergemina præstans sapientia lingua  
 Debuerat merito tutior esse suo.  
 Tum iusti, rectique tenax, legumque sacrarum  
 Cognitio æternos digna mouere Deos.  
 Sed neque uirtutes tot in uno pectore, nec tot  
 Ingenij atque animi præmia iuncta simul  
 Fatalem potuere diem, & fera pensa morari:  
 Omnia sunt uno penè sepulta rogo.  
 Quòd si nulla feras potis est inflectere Parcas  
 Relligo, & duro stant adamantæ uiez:  
 Si reges, regumque trahunt genus impia fata:  
 Nec reuocant homini, quem statuere dicim:  
 Saltem illi misere gemitus, saltem ille moueret  
 Coniuge pro raptò coniugis acer amor.  
 Illa sui deflet lethum miseranda mariti,  
 Et lacerat teneras imbre madente genas.  
 Vt pia defleuit fatum crudele mariti  
 Aemonis Aemonij Laödomia sui.  
 Vt fratres scissisque patres Cassandra capillis:  
 Andromache utq; sui fleuerat ossa uiri.

# ELEGIA.

Quin etiam tremulis ululatibus æthera complet  
 Et queritur mutis heu sua damna locis.  
 Flens noctem, flens sola diem, lucemque perosa  
 Concitat immancis per nemora alta feras:  
 Illa mouet tigres, & seuas illa leænas,  
 Illa etiam lacrymis effera saxa suis.  
 Illam nunc Nymphæ lugent in montibus altis,  
 Et tener in syluis cœtus Hamadryadum.  
 Sed frustra Nymphæ nemorum, pelagique potentes  
 Solantur: nullis flectitur illa modis.  
 Nulla uenus, non ulli animum solantur amores:  
 Nec quæ sola potest tristitia ferre dies.  
 Longa dies aufert cunctos medicando dolores,  
 Exiliumque docet, seruitiumque pati:  
 Longa dies hominumque genus consumit & urbes  
 Et, quod ubique uides, auferet una dies.  
 Cur non his tristem uerbis curatis amici?  
 Nanque dolor morbi non negat artificem:  
 Et uos æquales, agrestia numina, Nymphæ,  
 Quæ nemora, irriguas quæque tenetis aquas,  
 Ne uos finite indignis miseram intabescere curis:  
 Ne uos finite insano perditam amore mori.  
 Nil tali est in morte mali: non ille malorum  
 Supplicia æterna morte luenda luit.  
 Elysium cœlesti colit, sedesque beatas:  
 Cumque Deo ueris uescitur usque bonis.



IOANNIS PEDIONEI

Non mors his, sed uita locis. sed amœna piorum  
 Hospitia, & solis inuia regna malis.  
 Hic Pax alma uiget cœtu comitata Sororum,  
 Ipsa gerens olea tempora cincta pia.  
 Cui comites & blanda Quies, & amica Voluptas:  
 Gaudiaque, & casto pectore natus Amor.  
 Omnes hæ uisu faciles, & uestibus albis  
 Corda gerunt prima candidiora niue.  
 Hic habitant, quicunque Dei præcepta secuti  
 Eiecere animo numina falsa suo.  
 Quique boni, castique uias fugere malorum:  
 Quique animum studijs excoluere pijs.  
 Linq̃uentesque malas artes, & inania uulgi  
 Gaudia perpetuis posthabuere bonis.  
 Aurea quæ uirtus animos erexit Olympo,  
 Canaque cum casta religionē fides.  
 Omnes hi scelerum ignari, culpamque perosi  
 Hæc loca felices post sua sata tenent.  
 Hic quoque Nympha tuus uitam sine fine beatam  
 Inter habet Manes non leuis umbra pios:  
 Brassica stelligeri conscendens culmen Olympi  
 Viuit: & æterni uiuit in arce poli.  
 Hoc pietas, hoc prisca fides, hoc conscia recti  
 Mens dedit, & summo pectora iuncta Deo.  
 Quid dubitas? hic pone metus: hic siste querelas.  
 Incipe nunc animo liberiore frui



# ELEGIA.

Illius ætherei partem tenet aurea cœli  
 Machina, qua sola uiuere parte datum est.  
 Corporis at partem tellus tenet: altera samæ  
 Pars uolat, & toto nomen in orbe uiget,  
 At tu tam pulchra, & tam multa prole beata es.  
 Effigiem cuius cernis ab ore uiri.  
 Hoc decus, hæc monumenta uiri, curamque doloris.  
 Nec leue perpetui pignus amoris habes.  
 Ille autem nunc quanta tenet, quot gaudia cœli,  
 Gaudia non ullo dissolüenda die?  
 Hic uidet æternos felici, sidere Manes,  
 Quotque uidet, magnos tot putat esse Deos.  
 His illi pater, his frater succurrit in oris  
 Cinctus Apollinæe frondis uterque coma.  
 Hic adeò dulci permulcent pectora cura.  
 Dum notus memori mente resurgit amor.  
 Velius hic etiam ueniens sua fata recenset,  
 Velius Istrinæ nobile crimen aque.  
 Carolus hic casta redimitus tempora lauro  
 Personat aurata carmina culta lyra.  
 Zinckius Aönidumque pius, Phœbique sacerdos  
 Naturæ pandit, quicquid in orbe latet.  
 Rhynerus, dignumque trahens ab Apolline nomen  
 Gryneus, meritis præmia digna ferunt.  
 Hic Eobanus, & Hutteni pallentis imago,  
 Pro patriæ uisus qui sibi laude rapi.

# IOANNIS PEDIONEI

Ambo animis, ambo insignes præstantibus ausis  
Aonio referunt carmina grata choro.

Tum quos Ausonijs uates cognouerat oris,  
Nunc uidet Elysio post sua fata frui.

Hic princeps culto ingenio supereminet omnes,  
Ceu Veneris reliquas lucida stella faces:

Actius & calamis, & plectro insignis eburno,  
Solutus perpetuo digna Marone sonat.

Hic comes Altilij, & Iouiani proxima uatum  
Regna tenet, Latia maior utroque tuba.

Huic comes & facili meditatur arundine Molsa  
Naso tuos numeros, siue Tibulle tuos.

Naugeriusque idem pedibus, numerisque solutis:  
Cuius erant linguis pectora culta tribus:

Naugerius Venetæ decus, & lux altera terræ,  
Nunc dolor & gemitus Adria magne tuus.

Fas erat eloquio præcos æquare Quirites,  
Ni iuuenis campos isset ad Elysios.

Hic etiam par Cotta tuo Verona Catullo:  
Aureliusque sonans tangere doctus ebur.

Iulius hic præca florens uirtute Camillus,  
Lauroque, & Latia clarus honore toge,

Tum quosdam in sola secretos prospicit acta  
Artibus egregios, ingenioque senes.

(Omnes purpureo tecti capita alta galero  
Impediunt canas fronde uirentæ comas)

Agnoscitque

## ELEGIA.

Agnoscitq; pio de pectore Contarenum.

Qua non Adriacis gloria maior aquis:  
Fregosiumq; & Aleandrum tot laudibus auctos  
Ingenij, & summa religione uiros.

Te uerò ante alios, te maxime Bembe salutat:

Agnoscitq; bonis te Sadolete tuis.

In quibus & quicquid Diuum sapientia pandit,

Et natura sua conciliauit ope.

Felices, quos nec sceleris contagia nostri

Imbuerant uitij, nec mala secla suis.

Felices iterumq;, quibus sua gratia uiuis,

Post etiam fatum gloria maior erit.

Nam uos nec liuor, nec amor labefecit habendi.

Nec stimulis flexit foeda libido suis.

Libera mens aderat, nulliq; obnoxia culpa,

Et contenta suis conscia uita bonis.

Hæc aderant uiuis, eadem hæc post fata sequuntur,

Maxima quæ uirtus premia laudis habet.

Hic etiam, nisi fama fidem mentita sefellit,

Dij facite ut falsum dixerit illa mihi,

Fama meas utinam frustra nunc læseris aures.

Et dederis rapidis irrita uerba Notis.

Hic tamen o gemini fulgēs sapientia iuræ

# IOANNES PEDIONEI

**Prò Superi, leges quantum patiuntur & artes?**

Quamq; luunt fatis inuida damna tuis?

**Nec tantum nobis diuini pectus Erasmi**

Inuida mors, sacrum sustuleritq; caput.

**Sustulit hæc eadem nostri duo lumina sceli:**

Te patriæ Zasi lausq; decusq; meæ:

**Te quoq; quem uarijs coluit sapientia linguis,**

Quo duce Pegaseis ora rigantur aquis,

**Te Budæ parem superis nunc fecit honore:**

Nec te eadem tellus, quæ tenet ossa, premit.

**Huic comites uidet è diuersi partibus orbis:**

Longolium, & lacrymis irrigat ora pijs:

**Longolium, cui si canos sua fata dedissent,**

Non foret hoc linguæ maius in orbe decus.

**Prò facinus, tantum decus inuidisse meorum**

Ingenijs? tantum Belgica terra tibi?

**Hunc iuxta Viuem lauri cognoscit in umbra,**

Qui tamen ingenio uiuit ubiq; suo.

**Hinc sua monstrantem crudelia uulnera Morum:**

Hinc uidet alterius funera dira senis.

**Heu scelus, heu crudele nefas, tunc illa Tyranne**

Lumina? tu sacros hauseris ense uiros?

**Quis te Castalidum mites gustasse liquores**

Credat? ab inferno pocula fonte bibis.

**Illic nunc scelerate iaces, nam nulla piorum**

Contigit Elysium sanguinolenta manus.

Sed

# ELEGIA.

Sed scelerum ultrices Furie, sed Cerberus ingens

Impia non una crimina peste premunt.

Inde alios uidet, atq; alijs prospectat ab oris:

Quem fouit dulci Norica terra sinu,

Te Billbalde: & telueterum Rhenane uirorum

Exemplar: patriæ lumen utrunq; suæ.

Linckius his tuus est simul additus, optime Vuolfs,

Qui tibi Thesæo iunctus amore fuit.

Hic memor ille tui nunquam facit irrita uota,

Vota facit summo non reuenda deo.

Teq; sibi comitem longæ post fata senectæ,

Postq; Sibyllinos optat Erasme dies.

At uos nunc tali felices funere Manes,

Quicumq; Elysij iura tenetis agri.

Vobis parta quies: uobis æterna uoluptas.

Vitaq; non ullo dissoluenda die.

Non scelera, aut nostræ fertis contagia culpæ.

Nec fortuna suis legibus ulla premit.

Cernitis immensi præsemitas ora Tonantis,

Qua micat ætherei clarior aura poli.

Illinc (nam fas est) miserati incommoda nostræ

Iungite nos summo pectora grata Deo.

Aspicite. hinc, quotquot seruat Germania uates

# IOANNIS PEDIONEI

**Qualis** ubi ad gelidas defleuit Strymonis undas  
 Eurydices Orpheus funera dira suæ,

**Carmine**, quod totidem respondet sylua querelis  
 Ingeminantq; amnes: ingeminantq; fera.

**Ipse** eadem deflet crudelia fata Micyllus:

**Quiq;** Minerva tuum nobile nomen habet,  
 Hic annam uocat, ille pios Gertrudis amores

Suspirat noctes, conqueriturq; dies.

**Ipsa** mihi uisa est his lamentantibus unda

Pegasis attonito plenior isse lacu.

**Visum** etiam indigno nemus ingemuisse dolore

Parnassi: & lacrymis concita saxa pijs.

**Vos** tamen o lacrymis diuini parcite uates:

Parcite lanificas sollicitare Deas.

**Non** lacrymis fatum reuocauit coniugis Orpheus:

Non misera amissum Laodamia uirum:

**Vos** etiam meliore manet sors prouida fato:

Aspiciatis casti pignora certa tori.

**Hoc** duri casus, miseriq; leuamen amoris

Aspiciatis uestræ spemq; decusq; domus:

**Tu** quoq; flebilibus nimium miseranda querelis

Fata tui lugens tollis ad astra ducis

**Stigelli**, celsaq; sedens in rupe propinquas

Syrenas cantus flectis amore tui.

**Nec** sinit an tumidis curarum mersa procellis

Carmine te fastos reddere Musa nouos.



## ELEGIA.

Macte tamen pietate tua, nam euncta loquentur.

Secula. quem patriæ nobilitauit amor.

Forsitan & uelis iterum mutata secundis

Fata dabunt studijs ocia grata tuis.

Et tu quid cessas cultis ornare Camenis

Principis, & patriæ tot decora. alta tue,

Quid tam sæcundum concussit pectus Aconti?

Ne referat nunqueros doctæ Tibulle tuos?

Aemilium quæ causa pijs desistere coëptis

Cogit? & Aônia deseruisse deas?

Nunc quoq; quid nostras uehis impie rumor ad aures?

Te potius cœlo fulmina missa petant.

Scilicet oppressum morbo te Roma Lucreti

Nunc tenet, & seuo membra dolore premit?

Abstineat mors atra precor. uos parcite Diuæ

Nunc rogo fatalem claudere uelle diem.

Scilicet Elysiumq; nemo, fluuiosq; tenebit

Tam citò? nec canas uiderit antè comas?

Hoc caput, hæc tamis exulta scientia rebus,

Quæq; sedet docto pectore Musa cadet?

Illæ cadet mens alta? tacebit lingua disertæ?

Verterit in cineres hæc simul una dies?



IOANNIS PEDIONEI

Quòd nihil ingenio, nil magnum effecimus arte,  
 Naturæ fuerat sors inimica meæ.  
 Non mihi signities, non altera caussa nocebit.  
 Illa facit spreto cogar ut esse loco.  
 Illa facit, ne te, imprimis quam semper amaui,  
 Aspicerem longo tempore Posteritas.  
 Forsitan & studijs eadem diuellet amicis,  
 Coget & insani rursus ad arma fori.  
 O mihi blanda quies, ò dulcis cura puellæ  
 Aônides uestro cogar abire sinu?  
 Deliciasne meas, & gaudia nota relinquam?  
 Et fugiam musis ocia grata meis?  
 Quisquis es ambitione, uel auri captus amore  
 Pietiæ ausus deseruisse Deas:  
 Ferreus, & scopulis, & duro robore natus:  
 Et fueras sæuis sæuior ipse feris.  
 Quo me cunq; tamen fato fortuna sequetur,  
 Vos ego fraterno semper amore colam.  
 Vestra legens monumenta, & docti pectoris artes  
 Ipse meam cogar sepe dolere uicem.  
 Tu tamen ò nostri requies Loxane laboris,  
 Ingenijq; decus, præsidiumq; mei,  
 Perge bonas artes, Musasq; leuare iacentes:  
 Nulla tuæ maior gloria laudis erit.  
 Hæc tibi perpetuæ condens præconia famæ,  
 Virtutis meritum tollet in astra tuæ.

*Sic tibi speratos Fernandus uiuat in annos.*

*Inq; domus crescat spemq; decusq; suæ.*

*Ille tuæ quondam requies optata senectæ*

*Inter honoratos præstet honore uiros.*

## EPITAPHIVM ALEXANDRI

Vueissenhorn Typographi.

*Sub isto Alexandri sepultum marmore*

*Corpus quiescit. at melior pars cœlitum*

*Vitam perenni mens agit cum gaudio.*

*Hoc rarus illi amor dedit cœlestium,*

*Et uita sanctis inuiolata moribus*

*Fidei tenax, amans boni, fugiens mali.*

*Hoc sat. bene illi tu precare, & ambula.*

M. D. L.

1846-1847

344